

Broj: 01/1- ___/18

Kakanj: __. __. 2018. godine

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08), Općinsko vijeće na __ sjednici održanoj ____ . 2018. godine, donijelo je

**ODLUKU
O ISPLATI RAZLIKE IZNOSA SREDSTAVA STUDENTIMA KOJI OSTVARE
PRAVO NA KANTONALNU STIPENDIJU ZA AKADEMSKU 2017/18. GODINU**

Član 1.

Studentima koji ostvare pravo na kantonalnu stipendiju Ministarstva za obrazovanje, nauku, kulturu i sport Zeničko – dobojskog kantona, a na osnovu konačne liste studenata koji su ostvarili pravo na stipendiju za akademsku 2017/18. godinu, u slučaju da visina stipendije bude manja od općinske, isplatit će se razlika iznosa sredstava do visine općinske stipendije, čime će visina kantonalne i općinske stipendije biti izjednačene.

Član 2.

Sredstva će se isplatiti iz Budžeta Općine Kakanj za 2018. godinu sa pozicije 614 200 – Studentske stipendije iz Budžeta Općine.

Preostala sredstva na navedenoj poziciji koristit će se dodjelu općinskih stipendija u skladu sa Odlukom o stipendiranju studenata sa područja općine Kakanj („Službene novine općine Kakanj“, broj: 7/13, 1/18).

Član 3.

Za provođenje odluke zadužuje se Služba za finansije i Služba za društvene djelatnosti, boračka pitanja, raseljena lica, izbjeglice i povratnike Općine Kakanj, svako u okviru svojih nadležnosti.

Član 4.

Ova odluka stupa na snagu danom donošenja, a bit će objavljena u „Službenim novinama Općine Kakanj“.

Odluka će se primjenjivati za 2018. godinu.

PREDSJEDAVAJUĆI
OPĆINSKOG VIJEĆA
Katičić Slaven, sr.

OBRAZLOŽENJE

Pravni osnov

Pravni osnov za donošenje Odluke sadržan je u članu 13. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09) i članu 24. Statuta Općine Kakanj („Službene novine Općine Kakanj“, broj 4/08).

Razlozi za donošenje Odluke:

Ministarstvo za obrazovanje, nauku, kulturu i sport Zeničko – dobojskog kantona je 13. marta 2018. godine raspisalo konkurs za dodjelu studentskih stipendija za akademsku 2017/18. godinu.

Pravo učešća na konkursu imaju redovni studenti prvog i drugog ciklusa studija sa prebivalištem na području Zeničko – dobojskog kantona prema uslovima utvrđenim konkursom.

Visina kantonalne stipendije u prethodnoj godini iznosila je 450,00 KM što je razlog da se značajan broj studenata sa područja općine Kakanj ne prijavljuje na konkurs za dodjelu kantonalnih stipendija, a isti se prijavljuju na konkurs za studentske stipendije iz Budžeta Općine koje iznose 800,00 KM.

Da bi se stimulisali studenti za prijavu na konkurs Ministarstva za obrazovanje, nauku, kulturu i sport Zeničko – dobojskog kantona predlažemo da se istima, iz Budžeta Općine - sa pozicije 614 200 – Studentske stipendije iz Budžeta Općine, isplati razlika iznosa do visine općinske stipendije.

Preostala sredstva na navedenoj poziciji koristit će se dodjelu općinskih stipendija u skladu sa Odlukom o stipendiranju studenata sa područja općine Kakanj („Službene novine općine Kakanj“, broj: 7/13, 1/18).

Obrađivač:
Služba za društvene djelatnosti, boračka pitanja, raseljena lica,
izbjeglice i povratnike

Predlagač:
Općinski načelnik